



Me qëllim implementimin e aktiviteteve të parashikuara me Programin për aktivitetet nga fusha e mbrojtjes sociale, të fëmijëve dhe shëndetësore, në qytetin e Shkupit për vitin 2023 ("Lajmëtari Zyrtar i Qytetit të Shkupit" numër 18/22), Qyteti i Shkupit shpall

THIRRJE PUBLIKE **për përkrahjen e projekteve dhe aktiviteteve programore të organizatave që** **punojnë në fushën e mbrojtjes sociale, të fëmijëve dhe shëndetësore**

Lënda e Thirrjes publike është mbledhja e ofertave për përkahje financiare të projekteve dhe aktiviteteve programore të shoqatave civile, fondacioneve dhe subjekteve të tjera që punojnë në fushën e mbrojtjes sociale, të fëmijëve dhe shëndetësore.

Projektet dhe aktivitetet programore do të përkrahen me mjete nga Buxheti i Qytetit të Shkupit për vitin 2023, dhe në përputhje me Programin për aktivitete në fushën e mbrojtjes sociale, të fëmijëve dhe shëndetësore në qytetin e Shkupit për vitin 2023 (Programi) si dhe në bazë të kriterëve dhe prioriteteve të dhëna në këtë Thirrje publike.

I. Përshkrim i shkurtër i Programit dhe llojeve të projekteve të cilat do të përkrahen:

Në suazat e Thirrjes publike, projektet që do të përkrahen me mjete financiare nga ana e Qytetit të Shkupit, duhet të kenë lidhje me Prioritetet e përcaktuara në Programin për aktivitetet nga fusha e mbrojtjes sociale, të fëmijëve dhe shëndetësore, në qytetin e Shkupit për vitin 2023 (Programi është në dispozicion në ueb-faqen e Qytetit të Shkupit www.skopje.gov.mk) si vijon:

1. Realizimi i mbrojtjes sociale të personave me aftësi të kufizuara;
2. Realizimi i mbrojtjes sociale të personave që përdorin droga;
3. Përfshirja shoqërore dhe shërbime sociale për kategoritë e qytetarëve në nevojë;
4. Mundësi të njëjta të grave dhe burrave, mosdiskriminim, nxitje dhe zhvillim i vlerave personale dhe shoqërore;
5. Avancimi i mbrojtjes shëndetësore.

Gjithashtu do të përkrahen edhe projekte të cilat përfshijnë aktivitete të tjera për realizimin e mbrojtjes sociale të kategorive të qytetarëve me rrezik social.

II. Korniza kohore dhe shfrytëzimi i mjeteve

Mënyra e shfrytëzimit të mjeteve për vitin 2023 do të rregullohet me kontratën ndërmjet organizatës dhe Qytetit të Shkupit.

II. Kriteret themelore

Kriteret themelore të cilat duhet t'i plotësojnë organizatat, shoqatat të cilat marrin pjesë në këtë Thirrje publike janë:

- Të jenë të regjistruara sipas Regjistrisë Qendrore të RM-së;
- Të merren me aktivitete dhe projekte me interes publik për minimum dy vite;

IV. Dokumentacioni i detyrueshëm për aplikim

- Aplikimi për përkrahje financiare të Organizatës, i nënshkruar dhe vërtetuar me vulë nga personi i autorizuar (në dispozicion na ueb-faqen e Qytetit të Shkupit www.skopje.gov.mk);
- Formular i plotësuar për propozim–projektin (në dispozicion na ueb-faqen e Qytetit të Shkupit www.skopje.gov.mk);
- Statuti i Organizatës;
- Aktvendimi për regjistrimin e Organizatës;
- Raporti për mjetet e përfituara nga Buxheti i Qytetit të Shkupit në vitin e kaluar fiskal dhe mënyrën e realizimit të tyre (nëse organizata ka qenë përfitues i mjeteve të ndara nga Buxheti i Qytetit të Shkupit për vitin 2022);
- Fotokopje nga llogaria përfundimtare për vitin 2021;
- Vërtetim për pagimin e tatimeve të lëshuar nga organet tatimore.

VËREJTJE: Aplikimet të cilat nuk përmbajnë dokumentacionin e plotë të detyrueshëm nuk do të shqyrtohen më tej.

V. Dokumentacioni përcjellës:

Organizatata të bashkëngjitur mund të depozitojnë edhe këto dokumente përcjellëse:

- Biografi profesionale e ekspertëve që do të angazhohen në realizimin e projektit;
- Listë referimi ose dëshmi (për shembull: kontratë e nënshkruar) për së paku 2 projekte të realizuara në fushën për të cilën aplikojnë;
- Së paku 2 mendime (referenca) nga partnerë ose donatorë për realizimin e projekteve të mëparshme;
- Përkrahje me shkrim nga organizata të tjera dhe/ose institucione për të cilat është planifikuar që të marrin pjesë në realizimin e projektit.

Vlerësimin e propozimeve të arritura për projektet, do ta realizojë Komisioni i formuar nga Kryetarja e Qytetit të Shkupit, në bazë të kriterëve të mëposhtme:

| KRITERE PËR VLERËSIM | PIKË MAKSIMALE |
|--|----------------|
| 1. Struktura organizative dhe resurset | 40 |
| 1.1. Kapaciteti i Organizatës në raport me resurset njerëzore për realizimin e projektit (të punësuar, vullnetarë aktiv, persona të angazhuar me honorar) | 10 |
| 1.2. Profesionalizmi i personave që marrin pjesë në realizimin e projektit | 10 |
| 1.3. Përvoja e Organizatës në realizimin e projekteve të këtij volumi në fushën përkatëse | 10 |
| 1.4. Mundësitë hapësinore dhe teknike të Organizatës për realizimin e projektit | 5 |
| 1.5. Aftësia për menaxhimin me buxhetin (a e tejkalon vlerën e projektit buxheti vjetor i shoqatës civile dhe fondacionit për vitin e fundit kalendarik) | 5 |
| 2. Cilësia e projektit | 60 |
| 2.1. Sa do të kontribuojë qëllimi i përgjithshëm i projektit për realizimin e prioriteteve të caktuara, sa është i qartë, i realizueshëm dhe i përcaktuar në mënyrë adekuate | 10 |
| 2.2. Harmonizimi me qëllimet, aktivitetet dhe vlerat e Programit të Qytetit të Shkupit | 10 |
| 2.3. Zgjidhjet cilësore dhe inovative të ofruara për realizimin e qëllimeve programore | 10 |

| | |
|---|------------|
| 2.4. Aktivitetet programore të përgatitura në mënyrë të detajuar | 10 |
| 2.5. Vlerësimi i arsyeshmërisë së shpenzimeve të propozim-planit financiar (buxhet real në lidhje me aktivitetet dhe numrin e personave të angazhuar, përshkrimi i shpenzimeve sipas pozicioneve dhe sa të njëjtat korrespondojnë me çmimet e tregut) | 10 |
| 2.6. Vlerësimi për pjesëmarrjen në organizimin e Projektit të parashikuar me mjete financiare të siguruara nga burimet individuale dhe burimet e tjera (për pjesëmarrje individuale prej 15%, aplikuesi fiton maksimum 10 pikë) | 10 |
| Numri maksimal i pikëve | 100 |

VI. Afati dhe mënyra e depozitimit të aplikimeve

Afati i fundit për depozitimin e aplikimeve është deri më **07.02.2023**, ora **15:00**.

Aplikimet me dokumentacionin e plotë depozitohen nëpërmjet postës në adresën: **Qyteti i Shkupit, Seksioni për mbrojtje sociale, të fëmijëve dhe shëndetësore, bul. "Ilindenska" nr. 82 1000 Shkup**, ose në arkivin e Qytetit të Shkupit (me emërtim - Seksioni për mbrojtje sociale, të fëmijëve dhe shëndetësore – Aplikim për shpallje publike). **Aplikimet e dërguara me e-mail nuk do të shqyrtohen.**

Aplikimet për përkrahje financiare të organizatave, si dhe Formulari për propozim–projektin janë në dispozicion në ueb-faqen e internetit të Qytetit të Shkupit www.skopje.gov.mk.

Pjesëmarrësit në Thirrjen publike do të informohen për rezultatet në një afat prej **15** ditësh nga dita e sjelljes së Vendimit për shpërndarjen e mjeteve nga Buxheti i Qytetit të Shkupit për vitin 2023.

Vërejtje: Aplikimet me dokumentacion të pakompletuar ose të depozituara pas skadimit të afatit të parashikuar nuk do të shqyrtohen! Bashkëngjitjet e depozituara nuk kthehen.

Për informacione plotësuese:

Pyetje për sqarime plotësuese mund të parashtrihen në formë të shkruar ose në formë elektronike pranë Seksionit për mbrojtje sociale, të fëmijëve dhe shëndetësore.

Kontakti: Seksioni për mbrojtje sociale, të fëmijëve dhe shëndetësore, tel: 02/ 3297 321; E-mail adresa: natasam@skopje.gov.mk.